

**Rapport dalla sessiun dil cussegl da vischnaunca dils 17-11-2014**

**Tractanda 1**

**Approbaziun dil protocol dalla sessiun dils 08-09-2014**

Il protocol dalla sessiun dils 08-09-2014 vegn approbaus en votaziun unanima cun engraziament.

**Tractanda 2**

**Preventiv 2015**

Il preventiv dil quen current 2015 siara tier expensas da frs. 6'591'000.- ed entradas da frs. 5'938'150.- cun in deficit da frs. 652'850.- suenter haver fatg tier la facultad administrativa amortisaziuns ordinarias en la grondezia da frs. 542'500.-, remess el fondo da meglieraziun frs. 60'000.-, el fondo da canalisaziun frs. 500.- e priu ord la finanziaziun speciala dil provediment d'aua frs. 3'700.-.

La sperdita avon amortisaziuns munta à frs. 53'550.-

Il deficit selai declarar entras il recav reduciu ord la vendita dall'energia da participaziun Ovras electricas Rein Anteriu (ORA).

Il preventiv d'investiziuns siara tier expensas da frs. 817'000.- ed entradas da frs. 338'000.- cun in surpli d'investiziuns da frs. 479'000.-.

Las posiziuns secumponan ord:

620.501.17	Sanaziun da vias communalas	frs.	200'000.00
620.503.31	Avertura quartier d'industria Clius	frs.	110'000.00
710.501	Investiziuns canalisaziun communalas	frs.	20'000.00
760.501	Project sanaziun ustonzas e vias d'uaul	frs.	400'000.00
781.501	Sanaziun casa da cadavers	frs.	37'000.00
790.581	Revisiun planisaziun locala	frs.	50'000.00

Il preventiv 2015 vegn presentaus dalla canzlista communalas Sandra Gautschi e discussiunaus dil cussegl da vischnaunca en detagl.

**Il cussegl decida cun 14 : 0 vuschs da proponer per mauns dalla radunonza da vischnaunca d'approbar:**

- **il preventiv dil quen current che siara cun expensas da frs. 6'591'000.00 ed entradas da frs. 5'938'150.00, pia cun in deficit da frs. 652'850.-.**
- **il preventiv dil quen d'investiziuns che siara tier expensas da frs. 817'000.00 ed entradas da frs. 338'000.00 cun in surpli d'expensas da frs. 479'000.00**

**Tractanda 3**

**Fixaziun dil pei da taglia per igl onn 2015**

La suprastanza communalas e la cumissiun da gestiun han examinau ils fatgs ed ein digl avis da restar per igl onn 2015 sin in pei da taglia da 105%.

**Il cussegl propona cun 14 : 0 vuschs per mauns dalla radunonza da vischnaunca da fixar la taglia communalas per igl onn 2015 sin 105% dalla taglia cantunala semplas.**

#### **Tractanda 4**

#### **Midada dil pei da taglia sin schischom**

La taglia sin schischom en la vischnaunca da Trun munta dapi biars onns a 1‰. Quella tariffa ei fixada ella lescha da taglia communal e munta per la vischnaunca da Trun entradas annualas da rodund frs. 210'000.-. Cun 1‰ ha la vischnaunca da Trun il pli bass pei da taglia sin schischom enteifer la Cadi. La suprastanza communal ei digl avis d'alzar il pei da taglia sin schischom per la vischnaunca da Trun sin 1.5‰.

Igl alzament duei ir en vigur sin l'entschatta digl onn 2015. Aschia vegness la taglia sin schischom cun la tariffa nova da 1.5‰ incassada l'emprema ga igl onn 2016.

**Il cussegl da vischnaunca decida cun 14 : 0 vuschs da proponer alla radunonza communal da fixar il pei da taglia sin schischom naven digl onn 2015 sin 1.5‰.**

#### **Tractanda 5**

#### **Verificaziun dils resultats dallas elecziuns communalas e dalla votaziun communal dil 28-09-2014**

Cusseglia David Tiri declara che Flurin Decurtins ed el hagien sco commembers dalla cumissiun per verificaziun da votaziuns communalas controllau ils resultats dallas elecziuns communalas e dalla votaziun communal dil settember 2014 ed anflau tut en uorden. En num dalla cumissiun propona David Tiri da verificar ils resultats publicai.

**En votaziun unanima verifichescha il cussegl ils resultats publicai dalla votaziun dils 28-09-2014.**

#### **Tractanda 6**

#### **Pusseivladad da tschentar damondas**

Las cusseglieras ed ils cussegliaers fan diever dalla pusseivladad da tschentar damondas.

**Per il cussegl da vischnaunca**

Il president  
Rico Schwarz

L'actuara  
Sandra Gautschi